

SESSION GUIDES

Alternative Learning System- Accreditation and Equivalency (ALS-A&E)

**Secondary: Sustainable Use Of Resources
And Productivity**

**Mga Ideya Tungkol Sa Mga Proyektong
Mapagkakakitaan**



USAID
FROM THE AMERICAN PEOPLE



Save the Children®



ASCEND-Mindanao
Assistance for the Comprehensive Educational Development of Mindanao



March 2006

Jointly developed by the DepED BALS and the Save the Children Federation under the ASCEND-Mindanao, a program made possible with the generous support of the American People through the USAID.

Mga Ideya Tungkol sa mga Proyektong Pagkakakitaan

Session Guide Blg. 1

I. MGA LAYUNIN

1. Natutukoy ang mga kaalaman, kakayahan at kawilihan ng isang tao
2. Nasasabi ang mga hakbang na dapat isagawa sa pagtatatag ng isang proyektong pagkakakitaan
3. Naiaangkop ang sarili sa negosyong ninanais simulan

II. PAKSA

- A. Aralin 1&2: Pagtatatag ng Iyong Negosyo
Pangunahing kasanayan sa pakikipamuhay: Mapanuring pag-iisip, kakayahang magpasya, mga kasanayan sa paghahanapbuhay
- B. Kagamitan: Flip tsart na ipakikita ang 1 mini-lecture: larawan

III. PAMARAAN

A. Panimulang Gawain

1. Balik-Aral

Ipapantomina ang iba't ibang gawaing nakatawag ng inyong pansin sa inyong pamayanan.

2. Pagganyak

Sumulat o gumuhit sa hangin.

- Tumawag ng mag-aaral sa harapan at ipasulat o ipaguhit sa hangin ang kanyang interes o kakayahan.
- Pahulaan sa mga nakaupo kung ano ang kanyang isinulat o iginuhit.
- Ang mag-aaral na nakakuha ng tamang sagot ay siya namang susulat o guguhit ng kanyang interes o kakayahan sa hangin.

B. Panlinang na Gawain

1. Paglalahad

Basahin ang mini-lecture. Ipaliwanag pagkatapos ang pagkakaiba-iba ng tao.

Isang mini-lecture ng IM (nakasulat sa tsart).


Halimbawa: May taong mahilig gumawa nang mag-isa. Gumuhit ang hilig niya kaya maaari siyang maging isang pintor.

Walang taong nagkakatulad. Kung magkapareho man ng hilig, tiyak na magkaiba ang paraan nila sa pagsasagawa ng hilig na ito. May kani-kanilang ugali ang tao, lalo na sa paraan ng paggawa. May taong hindi makapagtrabaho kung maingay ang kapaligiran. Ang iba naman ay kung nag-iisa o kaya'y nag-iisa sa isang sulok. May taong hindi makatatapos ng gawain kung hindi malimit na mamahinga. Anupa't bawat tao ay may sariling interes at ugali. May paraan din siya upang maipamalas ito.

2. Pagtatalakayan

- a. Isulat sa tapat ng kahon ang interes/ugali na ipinakikita ng larawan.

Halimbawa ng sagot


	Makipag-usap sa mga tao.
	Gumawa nang mag-isa at malayo sa iba

	<p>Magpahinga habang gumagawa.</p>
	<p>Gumawa sa mahabang oras.</p>
	<p>Nanatili/Gumawa kasama ang pamilya.</p>

- b. Alin sa mga nakalarawan ka nabibilang? Bakit?
- c. Pag-usapan ang mga hanapbuhay na naaangkop sa ugali/interes ng mga taong nabanggit?


Hindi sapat ang interes upang magtagumpay sa binabalak na negosyo. Anu-ano pa ang dapat isaalang-alang?

Papunan ang kahon.



3 Paglalahat

Kung ikaw ay magtatatag ng negosyo, anu-ano ang dapat mong tandaan upang masimulan ito? Ipasulat ang sagot sa inihandang bai-baitang na larawan.



4. Pagpapahalaga

Ipagawa ang isang minutong papel o “One-Minute Paper.” Sa loob ng isang minuto isulat sa $\frac{1}{4}$ na papel ang natutunan mo at bibigyang halaga sa buhay mo.

Halimbawa:

- Sipag at tiyaga ang lihim ng pag-unlad ng buhay.
- Pinagbubuti ang mga produkto/serbisyong itatatag.
- Pag-iwas sa anumang bisyo.

5. Paglalapat

Pagawin ng plano para sa itatayong negosyo.

Layunin: Makatulong para magkaroon ang pamilya ng kasapatan sa pangangailangan

Uri ng hanapbuhay	-	Pagtitinda ng isda sa talipapa Paglalako sa pamayanan ng isda
Pagkukunan ng Paninda	-	Malapit ba sa isdaan? Aangkat ba sa ibang tindera?
Puhunan	-	Sarili ang puhunan Uutangin sa Bombay/5/6
Mamimili	-	Malaki ba ang populasyon ng pamayanan?
Kasanayan/Interes sa pagtitinda	-	Dati nang nagtitinda Ningas-kugon Hilig sa pagtitinda

IV. PAGTATAYA

Ipasulat ang mga dapat isaalang-alang upang magtagumpay ang proyektong pagkakakitaan.

V. KARAGDAGANG GAWAIN

Mag-interview ng isang maunlad na tao sa inyong lugar. Alamin ang lihim o sikreto ng kanilang pag-unlad.